

E boeki “Purun di storia” pa mucha di Olga Croeze a subi Mercado cu sosten di UNOCA

STA. CRUZ--Mirando su soño awe realiza, Olga Croeze felizmentetaofrececomunidad su boeki di mucha “Purun di storia” cu ta contene 10 storia cada un cu diferente personahe saca for di imaginacion. Purun ta un canica grandi di klei den cual antes hende tabata warda awa fresco pa bebe. Purun di storia ta un compilacion di storia. E boeki aki ta e purun cu ta contene storia, mescos cu un purun ta tene awa fresco cu ta duna nos curpa bida, e purun di storia ta duna nos imaginacion bida. E intencion di Olga no ta solamente pa recrea e mente di e mucha, sino tambe pa lanta su creatividad y poder di

imaginacion. E deseo di Olga ta cu e storianan ta na agrado di tur mucha.y tambe pa laga un mensahe positivo atras. Di Olga por bisa cu for di chikito su mayornan a cultiva den dje e amor pa lectura. Olga a nace na Uruguay; despues a bay biba na Venezuela y como hoben ya el’a cuminza skirbi poesia den su idioma, di cualnan e tin un cantidad grandi compila. Despues el’a a conoce sr. Casper Croeze cu kende e ta casa pa casi 20 aña caba.

Olga a trata pa den menos di un aña e por papia Papiamento. Especialmente ora su yiu a nace, el’a sinti e necesidad di siña Papiamento ya cu e

tabata desea pa su yiu por papia Papiamento tambe pa un mihor comunicacion den famia. Olga su motivacion a crece mas, tempo cu e tabata e kier a lesa storia na Papiamento pa su prome yiu pero no tabaa tin hopi boeki na Papiamento pa mucha. Na Curaçao Olga a logra haya boeki y por a lesa pa su yiu

y alabez practica tambe nos idioma Papiamento. Aña 1997 a wordo declara “Aña di Papiamento” y como cu Olga a constata cu ainda no tabata tin na Aruba suficiente publicacion pa mucha, el’a dicidi di contribui den esey. Su deseo tabata haci algo diferente y pa e mucha tin placer ora di lesa. Ademá e

ta desea di laga un mensahe positivo atras y contribui na fomenta lesamento bao di e muchanan.

UNOCA ta convenci cu e bunita boeki aki cu ta obtenibel pa solamente 25 florin, Olga sigur a logra su deseo grandi, esta contribui na fomenta un dushi lesamento cerca nos muchanan.